

O‘ZBEKISTON — AQSH STRATEGIK SHERIKLIK MUNOSABATLARINI YANADA MUSTAHKAMLASH VA HAMKORLIKNI KENGAYTIRISHGA ALOHIDA E‘TIBOR QARATILDI

5-sentabr kuni O‘zbekiston Respublikasi Prezidenti Shavkat Mirziyoyevning Amerika Qo‘shma Shtatlari Prezidenti Donald Tramp bilan telefon orqali muloqoti bo‘lib o‘tdi.



Muloqot tafsilotlari haqida Yetakchimizning matbuot xizmati xabar berdi. Unga ko‘ra, muloqot chog‘ida O‘zbekiston — AQSH strategik sheriklik munosabatlarini yanada mustahkamlash va o‘zaro manfaatli hamkorlikni kengaytirishning amaliy jihatlari batafsil ko‘rib chiqildi.

Suhbat avvalida AQSH Prezidenti so‘nggi yillarda Yangi O‘zbekistonda iqtisodiyotni modernizatsiya qilish va aholi farovonligini oshirish borasida amalga oshirilayotgan ortga qaytmas islohotlarni yuksak baholadi va qo‘llab-quvvatladi.

Davlatimiz rahbari, o‘z navbatida, Prezident Donald Trampni AQSH ma‘muriyati olib borayotgan ichki va tashqi siyosatning ulkan natijalari bilan samimiy tabrikhladi. Amerika tomonining xalqaro va mintaqaviy mojaroalarni tinch yo‘l bilan hal qilish, global xavfsizlik hamda barqarorlikni ta‘minlashga qo‘shayotgan hisssasi va sa‘y-harakatlari alohida qayd etildi.

Shu o‘rinda O‘zbekiston Prezidenti va Qo‘shma Shtatlar oliy rahbariyati o‘rtasidagi muloqotlar muntazam davom etib kelayotganini ta‘kidlab o‘tish lozim. Xususan, Prezident Shavkat Mirziyoyev Donald Trampning birinchi prezidentlik muddati chog‘ida u bilan Arab-musulmon mamlakatlari va AQSH sammiti hamda BMT Bosh assambleyasining Nyu-Yorkda bo‘lib o‘tgan 72-sessiyasi doirasida uchrashgan edi. Oradan ko‘p o‘tmay ikki davlat yetakchilari telefon orqali muloqot qildilar.

2018-yilning may oyida O‘zbekiston Respublikasi Prezidentining AQSHga birinchi rasmiy tashrifi bo‘lib o‘tdi va strategik sheriklik aloqalarining yangi davriga asos solindi. Tashrif doirasida Prezident Donald Tramp, davlat kotibi, vazirlar, senatorlar va kongressmenlar bilan uchrashuvlar o‘tkazildi.

O‘zaro hamkorlik aloqalarining mustahkamlanishiga O‘zbekiston Respublikasi Prezidentining 2023-yil kuzida AQSHga

amalga oshirgan tashrifi ham katta turtki berdi. Mazkur tashrif doirasida Nyu-Yorkda Markaziy Osiyo “beshligi” va Amerika Qo‘shma Shtatlar o‘rtasida “C5+1” formatidagi birinchi sammit bo‘lib o‘tdi. Ikki tomonlama uchrashuv chog‘ida O‘zbekiston va AQSH yetakchilari davlatlararo hamda mintaqaviy hamkorlikka oid dolzarb masalalarni muhokama qildilar.

Parlamentlararo aloqalar ham izchil rivojlanmoqda: o‘tgan yillar davomida kongressmenlardan iborat delegatsiyalar mamlakatimizga bir necha bor tashrif buyurdi, Oliy Majlis vakillarining turli vaqtlarda Qo‘shma Shtatlarga amalga oshirgan tashriflari davomida amerikalik hamkasblari bilan samarali uchrashuvlar o‘tkazildi.

Bu safargi telefon orqali muloqotda ham ikki mamlakat o‘rtasidagi ko‘p qirrali hamkorlikni yanada kengaytirishga alohida e‘tibor qaratildi.

Ustuvor tarmoqlarda biznes kooperatsiya loyihalarini ilgari surish va savdo bitimlari hajmini tubdan oshirish masalalari ko‘rib chiqildi.

Ta‘kidlash joizki, so‘nggi yillarda o‘zaro savdo ko‘rsatkichlarining barqaror o‘shishi kuzatilmoqda. 2024-yilda tovar ayirboshlash 15 foizga oshib, 882 million dollari tashkil etdi. Bu ko‘rsatkich yaqin yillarda sezilarli darajada oshishi kutilyapti.

Istiqboli kooperatsiya loyihalarini portfeli fuqaro aviatsiyasi, muhim mineral resurslar, elektrotexnika sanoati, energetika, qishloq xo‘jaligi, raqamli texnologiyalar, moliya, innovatsiyalar, ta‘lim va ko‘plab boshqa yo‘nalishlarni qamrab olgan.

O‘zbekistonda AQSH kapitali ishtirokidagi 314 ta korxona faoliyat yuritmoqda. Ularning yarmidan ko‘pi yuz foiz Amerika kapitali hisobiga ishlaydi. Taqqoslash uchun: 2017-yilgacha ularning soni yuztadan bir oz oshar edi. O‘tgan yil yakunlari bo‘yicha esa O‘zbekistonda AQSHning 636 million dollarlik investitsiyalari o‘zlashtirildi.

Mamlakatimizda AQSHning “Air Products”, “General Electric”, “General Motors”, “Hyatt”, “John Deere”, “Boeing”, “Honeywell”, “Coca-Cola”, “Silverleaf” kompaniyalari faol ish olib boryapti. Mamlakatimiz bozoriga yangi kompaniyalarning kirib kelishida O‘zbekiston Prezidentining AQSH biznes vakillari bilan uchrashuvlari muhim o‘rin tutadi. Bu muloqotlarda davlatimiz rahbari investitsiyaviy loyihalarni ko‘rib chiqadi, ularni amaliyotga tatbiq etish bo‘yicha mas‘ularga topshiriqlar beradi.

Prezidentimizning Amerika Qo‘shma Shtatlariga 2023-yil sentabr oyida amalga oshirgan tashrifi ham bunday yuzma-yuz uchrashuvlarga boy bo‘lgan edi. O‘shanda Nyu-Yorkda bo‘lib o‘tgan O‘zbekiston — Amerika biznes forumi yakunida jami 11,2 milliard dollarlik bitim va kelishuvlarga erishildi, “Citigroup”, “CNH”, “Boston Consulting Group”, “GE Healthcare”, “Oppenheimer”, “Cerberus”, “Sintana” va boshqa yirik korporatsiyalar rahbarlari bilan uchrashuvlar o‘tkazildi.

Bu safargi telefon orqali muloqotda shu oyda AQSHning yetakchi kompaniya va tashkilotlari bilan uzoq muddatli hamda barqaror sheriklik aloqalarini yo‘lga qo‘yish maqsadida qator ikki tomonlama uchrashuv va muzokaralar o‘tkazilishi ta‘kidlandi.

Bundan tashqari, xavfsizlik sohasida, eng avvalo, terrorizm, ekstremizm va noqonuniy migratsiyaga qarshi kurashish borasida samarali hamkorlik qilinmoqda.

Amerika tomoni O‘zbekistonning bu yo‘nalishlardagi muvaffaqiyatlarini doimiy ravishda ta‘kidlab keladi. AQSH Davlat kotibi qaroriga ko‘ra, O‘zbekiston 2020-yildan boshlab Diniy erkinliklar sohasida xavotir uyg‘otadigan mamlakatlar ro‘yxatidan chiqarilgan. 2022-yilda “Cotton Campaign” nohukumat tashkiloti tashabbusi bilan kiritilgan paxta xaridi bo‘yicha taqiq olib tashlangan. O‘sha yilning o‘zida AQSH O‘zbekistonda bolalar mehnatidan foydalanishga qarshi sa‘y-harakatlarning sezilarli darajada kuchayganini e‘tirof etdi. O‘tgan yili AQSH Savdo vakolatxonasi intellektual mulk himoyasi borasidagi barqaror rivojlanishni hisobga olgan holda O‘zbekistonni kuzatuv ostidagi mamlakatlar ro‘yxatidan chiqardi. Biz qariyb chorak asr bu ro‘yxatda turgan edik.

Muqaddam erishilgan ikki tomonlama kelishuvlar doirasida 2025-yilning 30-aprel kuni Nyu-Yorkdan Toshkentga maxsus charter reys amalga oshirilib, unda O‘zbekiston va mintaqadagi boshqa davlatlarning AQSH hududida noqonuniy bo‘lib turgan va deportatsiya qilinadiganlar ro‘yxatiga kiritilgan 92 nafar fuqarosi vataniga qaytarildi.

Bo‘lib o‘tgan telefon orqali muloqot mavzularidan yana biri — madaniy-gumanitar yo‘nalish ham katta ahamiyat kasb etmoqda. O‘zbekistonda Xalqaro ta‘lim bo‘yicha Amerika kengashi (ACIE) faoliyati tiklandi. Toshkentda bo‘lib o‘tgan “Education USA” mintaqaviy forumida AQSHning 65 ta oliy o‘quv yurti ishtirok etdi. O‘z navbatida, bir qator O‘zbekiston oliy o‘quv yurtlarining rektorlari va prorektorlari Xalqaro ta‘lim

administratrlarining Vashingtonda o‘tkazilgan konferensiyasida qatnashdi.

Davlat rahbarlarining muloqotida sport mavzusi ham e‘tibordan chetda qolmadi. Kelgusi yili AQSHda bo‘lib o‘tadigan futbol bo‘yicha jahon chempionatida O‘zbekiston milliy terma jamoasi ilk bor ishtirok etishi mamnuniyat bilan ta‘kidlandi. AQSH yetakchisi futbol terma jamoamizga chin dildan omad tiladi.

Telefon muloqoti chog‘ida davlat rahbarlari dolzarb xalqaro masalalar, jumladan, Markaziy Osiyo davlatlari va AQSHning “C5+1” shaklidagi mintaqaviy hamkorligini chuqurlashtirish yuzasidan ham fikr almashdilar.

Davlatimiz rahbari Prezident Donald Trampni o‘zi uchun qulay muddatda O‘zbekistonga rasmiy tashrif bilan kelishga taklif qildi.

Amaliy hamkorlik bo‘yicha loyiha va dasturlarni ilgari surish maqsadida oliy darajadagi muloqotlarni davom ettirishga kelishib olindi.

O‘zbekiston Respublikasi Prezidenti Shavkat Mirziyoyev va AQSH Prezidenti Donald Trampning telefon orqali muloqoti ochiq, konstruktiv va do‘stona ruhda o‘tdi, deya xulosa qiladi davlatimiz rahbari matbuot xizmati.

Shuni ta‘kidlash lozimki, dunyoning eng yirik iqtisodiyotiga va keng diplomatik vakolatxonalar tarmog‘iga ega bo‘lgan Qo‘shma Shtatlar xalqaro munosabatlar va global savdo tizimida muhim rol o‘ynaydi. AQSH bilan savdo-iqtisodiy, moliyaviy, investitsiyaviy va texnologik hamkorlikni rivojlantirish, ko‘p qirrali sheriklik va amaliy aloqalarni mustahkamlash O‘zbekiston milliy manfaatlariga xizmat qiladi.

Ayni paytda AQSH oliy rahbariyatining rasmiy Toshkent bilan aloqalarni mustahkamlashga bo‘lgan intilishi Yangi O‘zbekistonning jahon maydonidagi mavqei ortib borayotganidan, ko‘p vektorli tashqi siyosatimizning strategik maqsadlari ro‘yobga chiqayotganidan darak beradi.

O‘z muxbirimiz

DAVLAT XIZMATLARINI YANADA KO‘PAYTIRISH VA OSONLASHTIRISH BO‘YICHA TAKLIFLAR KO‘RIB CHIQILDI

Prezident Shavkat Mirziyoyev adliya tizimida davlat xizmatlarini kengaytirish chora-tadbirlariga oid taqdimot bilan tanishdi.

So‘nggi sakkiz yilda adliya faoliyatini yangicha tashkil qilish uchun 70 ga yaqin qonun va qarorlar qabul qilindi. Tizimni aholiga yaqinlashtirish uchun 20 dan ortiq qo‘shimcha vakolatlar berildi. Hududlarda 202 ta Davlat xizmatlari markazi qurildi. Bugungi kunda 500 dan ortiq davlat xizmatlari “bir darcha” tamoyili asosida ko‘rsatilmoqda. Ilgari soatlab, kunlab kutilgan ma‘lumotlar hozir 5-10 daqiqada olinaypti.

Lekin bu borada hali qilinadigan ishlar ko‘p. Davlat idoralari o‘rtasida elektron hamkorlik yetarli emasligi byurokratik to‘siqlarga sabab bo‘lmoqda. 200 dan ortiq davlat xizmati hamon eskicha usulda ko‘rsatilyapti. Chekka hududlarda aholining xizmatlardan mustaqil foydalanish imkoniyati cheklangan.

Shu bois, taqdimotda davlat xizmatlarini yanada ko‘paytirish va osonlashtirish bo‘yicha takliflar ko‘rib chiqildi.

Rejaga ko‘ra, kelgusi uch yilda davlat xizmatlari 900 taga yetkaziladi. Yiliga 80 ta xizmat “3 qadam” tamoyili asosida soddalashtiriladi. Aholi gavjum joylar va olis mahallalarda 1 ming 100 ta interaktiv kiosk o‘rnatiladi.

Fuqarolardan 30 turdagi hujjatlarni talab etish bekor qilinadi. Xususan, FHDYO organida nikohlanuvchi shaxslarning tibbiy ko‘rik natijalari, mudofaa bo‘limlarida harbiy xizmatga majburlarning turar joyi o‘zgarganligi haqidagi hujjat so‘ralmaydi, bu

ma‘lumotlar axborot tizimlari orqali onlayn olinadi.

Bugungi kunda notariuslar odamlarga 80 dan ortiq turdagi xizmat ko‘rsatyapti. Lekin onlayn xizmatlar ulushi juda kam — 11 foiz.

Davlatimiz rahbari raqamlashtirish orqali fuqarolarga qulayliklarni oshirish zarurligini ta‘kidladi. 2025-2027-yillarda bosqichma-bosqich 20 ta notarial harakat onlayn rasmiylashtirishga o‘tkazilishi belgilandi.

Shuningdek, notarial xizmatlar ko‘rsatishda shaxsni tasdiqlovchi hujjatning aslini talab qilish bekor qilinib, buni “FACE-ID” orqali aniqlash tartibi yo‘lga qo‘yiladi.

Xadicha Sulaymonova nomidagi Respublika sud ekspertiza markazida 64 turdagi ekspertiza xizmatlari o‘tkazilyapti. Lekin hududlarda buning yarmi ham yo‘q.

Shuning uchun ekspertiza bo‘yicha yangicha yondashuv qilish, hududiy ekspertiza markazlarining moddiy-texnik bazasini yaxshilash, bu orqali ulardagi ekspertiza turlarini qo‘shimcha ravishda 15 tadan 25 tagacha ko‘paytirish vazifasi qo‘yildi.

Ekspertizaning yangi turlarini joriy etishda raqamli texnologiyalardan, inson omili yo‘q dasturlardan keng foydalaniladi. Surishtiruv, tergov organlari va ekspertiza muassasalari o‘rtasidagi hujjatlar almashinuvi to‘liq elektron shaklga o‘tkaziladi. Avtohalokat joyini 3D modellashirish, videotexnika va fototexnika ekspertizasi kabi yangi xizmatlar tatbiq etiladi.

Nodavlat sud ekspertiza faoliyatini kengaytirish, sud eksperti sifatida alohida byuro ochgan holda mustaqil ish yuritishga ruxsat berish, O‘zbekiston Sud ekspertlari palatasini tashkil etish bo‘yicha takliflar ma‘qullandi.

Odamlarning huquqiy savdonxligini oshirish ham muhim. Shu maqsadda “Aqli targ‘ibot” asosida aholi va tadbirkorlarga yangi hujjatlar haqidagi ma‘lumotlarni manzilli tarzda, elektron tizimlar orqali yetkazib berish yo‘lga qo‘yiladi. Qonunchilikni mutaxassislar ishtirokida sodda tilda sharhlab boruvchi “Adliya TV” internet sahifasi ishga tushiriladi.

Islohotlarni o‘z vaqtida va sifatli bajarishda mutasaddilarning tashabbuskorligi, javobgarligi, mas‘uliyati va vakolatlarini yanada oshirish zarurligi ta‘kidlandi. Shu bois, o‘z sohasida yagona davlat siyosatini amalga oshiruvchi vazirlik va idoralar huzuridagi organlarga ham idoraviy normativ-huquqiy hujjatlar qabul qilish vakolati beriladi.

Bunday hujjatlarni qabul qilish, davlat ro‘yxatidan o‘tkazish tartibi va muddatlari soddalashtiriladi. Natijada idoraviy normativ-huquqiy hujjatlarni qabul qilishning o‘rtacha muddati 2 barobarga qisqaradi.

Taqdimot yakunida mazkur takliflarni amalga oshirish bo‘yicha farmon va qarorlar imzolandi.

O‘ZA

SUVERENITET — FAQATGINA KARITADAGI CHEGARALAR EMAS

MA‘NAViy YETUKLIK, HAMJIHATLIK, ICHKI QUUVVATIMIZDIR

Bugun dunyo siyosiy o‘yinlar, iqtisodiy inqiroz va axborot hujumlari maydoniga aylangan bir davrda “suverenitet” so‘zi har doimgidan ham dolzarb ahamiyat kasb etmoqda. Zero, bu har qanday mamlakat mustaqilligi va kelajagining asosidir. O‘zbekiston o‘z mustaqilligining 34 yilligini nishonlagan shu kunlarda, majoziy ma‘nodan, uni 34 yoshga to‘lgan, yoshlikdan ulg‘ayish sari qadam qo‘ygan insonga qiyoslash mumkin. Bu — o‘tgan umrni sarhisob qilish, oqni qoradan ajratib, xatolardan xulosa chiqarish, strategik qadamlarni aniq belgilash vaqti.

Xo‘sh, qaysi islohotlar O‘zbekistonning mustaqil davlat sifatidagi pozitsiyasini mustahkamlashga xizmat qildi?

Iqtisodiy mustaqillik va yangilangan Mudofaa doktrinas

Eng muhim omil bu — iqtisodiy mustaqillik. Mahalliy ishlab chiqarishni rivojlantirish, innovatsiyalar joriy etish, fermer va tadbirkorlarni qo‘llab-quvvatlash — bu faqatgina YIM o‘shishi emas, balki o‘z xalqi farovonligini ta‘minlash, ish



o‘rinlari yaratish va odamlarni rozi qilish maqsadlarining asosi hamdir.

O‘zbekiston so‘nggi yillarda samarasiz iqtisodiy modeldan voz kechib, uning o‘rniga raqobat, xususiy mulk va tashabbusni qo‘llab-quvvatlovchi, dunyoga ochiq bozor iqtisodiyotini shakllantirishga qaratilgan fundamental islohotlarni amalga oshirdi. Natijada mamlakat yalpi ichki mahsuloti 2017-yildagi 41 milliard dollardan 2024-yilda 115 milliard dollarga yetdi, eksport hajmi esa 13,9 milliard dollardan 27 milliard dollarga ko‘tarildi. Bu o‘zgarishlar iqtisodiy mustaqillikning mustahkam poydevorini yaratib, O‘zbekistonni dunyo hamjamiyatiga mintaqada barqaror rivojlanayotgan davlat sifatida tanitmoqda.

Mamlakatimizning barqaror rivojlanishi, xalqimizning tinch-osuda hayot kechirishida mudofaa tizimida olib borilgan islohotlar ahamiyati ham beqiyos. Uzoq yillar davomida Qurolli Kuchlarni harbiy va ikki maqsadda foydalaniladigan mahsulotlar bilan ta‘minlash asosan import hisobidan amalga oshirilib kelinardi. Bu esa nafaqat Milliy armiyani qurol-aslaha, maxsus texnika va zarur jihozlar bilan o‘z vaqtida ta‘minlashga to‘siq bo‘lgan, balki mamlakatning harbiy xavfsizligi masalasida xorijiy davlatlarga bog‘lanib qolish xavfini ham kuchaytirgan edi. Shuningdek, mudofaa ahamiyatiga ega bo‘lgan mavjud korxonalar og‘ir iqtisodiy ahvolda tushib qolgandi.

Davomi 3-beta

SUVERENITET – FAQATGINA XARITADAGI CHEGARALAR EMAS

MA’NAVYI YETUKLIK, HAMJIHATLIK, ICHKI QUVVATIMIZDIR



Bobur BEKMURODOV,
Oliy Majlis Qonunchilik
palatasi qo'mita raisi,
“Yuksalish” harakati raisi

Boshlanishi 1-betda

So'nggi yillarda esa muhim islohotlar amalga oshirildi. Avvalo, O'zbekiston Respublikasining yangilangan Mudofaa doktrinasini qabul qilindi va birinchi bor ochiq e'lon qilindi. Shuningdek, Mudofaa sanoati agentligi tashkil etildi. Agentlik mudofaa korxonalarini zamonaviy, energiya tejovchi, raqamli dasturlashtirilgan boshqaruv tizimlari va uskunalar bilan jihozlashni bosqichma-bosqich yo'lga qo'ydi.

Harbiy-texnik hamkorlik sohasida ham keng imkoniyatlar yaratildi: dunyoning 30 dan ortiq rivojlangan davlati va 80 ga yaqin kompaniyasi bilan aloqalar o'rnatildi, 10 ta davlat bilan hukumatlararo komissiyalar tuzildi, shuningdek, 10 dan ziyod mamlakat bilan xalqaro bitim va kelishuvlar imzolandi. Zamonaviy qurol-aslaha va jangovar texnikalar xaridi tizimli yo'lga qo'yildi.

Ushbu islohotlar O'zbekistonning harbiy xavfsizligi va mustaqilligi kafolati bo'lib xizmat qilmoqda.

Markaziy Osiyo mintaqasi — tashqi siyosatimizning ustuvor yo'nalishi

Tashqi siyosat borasida ham misli ko'rilmagan o'zgarishlar amalga oshirildi. Avvalgi davrlarda qo'shni mamlakatlar bilan siyosiy aloqalar cheklangan, ikki tomonlama savdo aylanmasi mavjud salohiyatga javob bermaydigan darajada past edi. Chegara, suv-energetika, transport va boshqa muammolar Markaziy Osiyo mamlakatlari bilan hamkorlikni rivojlantirishga jiddiy to'siq bo'lgan. Shuningdek, yetakchi G'arb davlatlari tomonidan O'zbekistonga turli iqtisodiy cheklavlar qo'llanilgan edi.

Keyingi yillarda O'zbekiston tashqi siyosatining ustuvor yo'nalishi sifatida Markaziy Osiyo mintaqasi belgilandi. Qo'shni davlatlar bilan yaxshi qo'shniçilik va hamkorlikni mustahkamlash, mavjud muammolarni hal etish hamda xalqaro maydonda hamjihatlik qilish asosiy maqsad sifatida belgilab olindi. Natijada savdo-iqtisodiy va madaniy aloqalar sezilarli darajada kengaydi.

O'zbekistonning qator davlatlar — Xitoy, AQSH, Turkiya, Vengriya, Koreya Respublikasi, Yaponiya, Hindiston va Arab mamlakatlari bilan munosabatlari strategik hamkorlik darajasiga ko'tarildi. Qo'shni davlatlar bilan suv xo'jaligi masalalari bo'yicha ikki tomonlama komissiyalar tashkil etildi. Shu bilan birga, Orolbo'yi mintaqasi uchun BMT doirasida Inson xavfsizligi bo'yicha ko'p tomonlama sheriklik trast jamg'armasi yo'lga qo'yildi.

Jahon savdo tashkilotiga a'zo bo'lish yo'lida izchil ishlar amalga oshirildi, Yevropa Ittifoqining “GSP+” benefitsiar maqomiga erishildi. Yevropa Ittifoqi bilan hamkorlik deyarli barcha sohalarni qamrab olgan holda mintazam ravishda qo'shma organlar yig'ilishlari o'tkazib kelinmoqda. Turkiya bilan munosabatlari strategik sheriklik darajasiga ko'tarilib, oliy darajadagi O'zbekiston — Turkiya strategik hamkorlik kengashi tashkil etildi.

O'zbekiston Birlashgan Millatlar Tashkiloti, MDH, SHHT, Turkiya davlatlar tashkiloti, Islom hamkorlik tashkiloti, Iqtisodiy hamkorlik tashkiloti, Yevropada xavfsizlik va hamkorlik tashkiloti hamda Osiyoda hamkorlik va ishonch choralari bo'yicha kengash kabi nufuzli xalqaro tuzilmalar bilan aloqalarni mustahkamladi. 2019-yilda O'zbekiston Turkiya davlatlar tashkilotiga to'laqonli a'zo bo'ldi.

Shuningdek, mamlakat BMT doirasidagi tashabbuslarda faol ishtirok eta boshladi. 2023-yil 13-oktabrda BMT Bosh Assambleyasi sessiyasida O'zbekiston tarixida ilk bor BMTning Inson huquqlari bo'yicha kengashi a'ziligiga saylandi. Bu o'rinda mamlakat 2021-2023-yillarda uch yillik muddatga faoliyat yuritish huquqini qo'lga kiritdi.

Hech qachon demokratiyadan voz kechmaymiz

Yana bir muhim omil — bu huquqiy islohot. Mustaqil sud tizimi, qarorlar qabul qilish shaffofligi, korrupsiyaga qarshi kurash — mamlakatni ichkaridan qudratli qilish bilan birga, tashqarida ham unga nisbatan hurmat oshishiga yordam beradi.

2023-yil 30-aprelda o'tkazilgan referendumda yangi tahrirdagi Konstitutsiyamizning qabul qilinishi bu jarayonda muhim va kerakli qadam bo'ldi. Konstitutsiyaga kiritilgan yangi nornalar barcha sohalarni taraqqiy ettirish, shu jumladan, davlat hokimiyatining yanada samarali tashkil qilinishiga yordam beradi.

Yangi tahrirdagi Konstitutsiyaning 7-moddasida “Xalq davlat hokimiyatining birdan-bir manbaidir”, degan norma belgilab qo'yilgan. Bu norma timsolida O'zbekiston Respublikasida jahon miqyosida umume'tirof etilgan xalq hokimiyatchiligi prinsipi, ya'ni xalq suverenitetning tashuvchisi va davlat hokimiyatining yagona manbai ekanini anglatuvchi tamoyil mustahkamlandi.

O'zbekiston — huquqiy, ijtimoiy va dunyoviy davlat ekanligi alohida qayd etildi. Yangi tahrirdagi Bosh qonunimizning 154-moddasi bilan 1-moddadagi qoidalarini qayta ko'rib chiqish mumkin emasligi belgilandi. Boshqacha aytganda, bu norma — O'zbekiston hech qachon demokratiyadan voz kechmasligi, huquqiy davlatçilikka sodiqligi, dunyoviylikka asoslanishini nazarda tutadi.

Boshqaruvda nomarkazlashtirish siyosatiga alohida e'tibor qaratildi. Mahalliy ijro etuvchi hokimiyat organlarining faoliyati ustidan xalq deputatlari Kengashlarining nazorat funksiyalarini kengaytirish maqsadida ularga o'ndan ortiq qo'shimcha vakolat berildi. Xususan, prokuratura, adliya, ichki ishlar, moliya, soliq, ekologiya va sog'liqni saqlash organlari rahbarlarining hisobdorligi belgilab qo'yildi.

Korrupsiyaga qarshi kurashish agentligi tashkil etilib, u fuqarolardan kelib tushgan murojaatlar asosida korrupsiyaga oid ishlar bo'yicha tekshiruvlar o'tkazish vakolatiga ega bo'ldi. Davlat organlari va mansabdor shaxslarning javobgarligi va ochiqligini ta'minlash uchun “Ochiqlik indeksi” joriy etildi. Barcha davlat organlariga 40 ta muhim ijtimoiy ahmiyatga ega bo'lgan ma'lumotlarni ochiq e'lon qilish majburiyati yuklandi.

Shuningdek, mamlakatimizda ochiq ma'lumotlar portali ishga tushirildi. Har bir davlat idorasining matbuot xizmati faoliyati yo'lga qo'yildi va ularning rahbarlari maslahatchi maqomiga ega bo'ldi.

Ochiqlik siyosati doirasida xalqaro reytinglardagi o'rimiz ham yaxshilanib bormoqda.

Masalan, O'zbekiston “Transparency International”ning Korrupsiyaga ta'sirchanlik indeksida 2018-yilda 158-o'rinda bo'lgan



bo'lsa, 2024-yilda 121-o'ringa ko'tarildi. 2023-yilda ODIN ochiq ma'lumotlar reytingida O'zbekiston 195 mamlakat orasida 30-o'rinda qayd etildi.

Sudyalarni tayinlash va ularning vakolatlarini tugatish mexanizmi qayta ko'rib chiqildi. Bu jarayonlarni xolislik asosida amalga oshirish maqsadida Sudyalar oliy kengashi mustaqil institut sifatida tashkil etildi va sudyalarni tayinlashda ularning vakolat muddati va professional etika qoidalari takomillashtirildi.

Sud faoliyatiga davlat idoralari, mansabdor shaxslar yoki boshqa guruhlar tomonidan aralashuvning oldini olishga qaratilgan qonuniy nornalar qabul qilindi. Xususan, sud qarorlariga bosim o'tkazishga qarshi javobgarlik kuchaytirildi. Buning natijasida 2017-2024-yillarda 6679 nafar shaxs oqlandi (1991-2016-yillarda bu ko'rsatkich 137 tani tashkil qilgandi).

Demokratiyaga asoslangan, adolatli va shaffof davlat boshqaruvi

Bu islohotlar O'zbekistonni demokratiyaga asoslangan, adolatli va shaffof davlat boshqaruvi sari yetaklamoqda.



Chunonchi hukumat va jamiyat o'rntasidagi muloqot, fuqarolarning boshqaruvdagi real ishtiroki, tashabbuslarning pasdan qo'llab-quvvatlanishi mustaqillik poydevoridir.

Yangi tahrirdagi Konstitutsiyamizning 120-moddasida xalq deputatlari Kengashiga uning deputatlari orasidan qonunga muvofiq saylanadigan rais boshchilik qilishi, viloyat, tuman, shahar hokimi lavozimini egallab turgan shaxs bir vaqtning o'zida xalq deputatlari Kengashining raisi lavozimini egallashi mumkin emasligi mustahkamlab qo'yilgan.

Konstitutsiyamizning ushbu moddasiga ko'ra, xalq deputatlari Kengashlarining vakolatlari muddati besh yil bo'lib, ayni bir shaxs surunkasiga ikki muddatdan ortiq ayni bir viloyat, tuman, shahar xalq deputatlari Kengashining raisi etib saylanishi mumkin emas.

Mahalliy Kengashlar va hokimlarning vakolatlari alohida-alohida qilib belgilanishi ushbu organlar mas'uliyati va javobgarligini oshiradi, vazifalar takrorlanishining oldini oladi. Hokimlarning mahalliy Kengashlarga raislik qilish amaliyotidan voz kechilgani mahalliy vakillik organlari xalq nomidan muhim siyosiy qarorlarni mustaqil qabul qilishiga, hokimliklar faoliyati ustidan ta'sirchan kengash va deputatlik nazorati o'rnatilishiga xizmat qiladi.

Mustaqil suveren davlat — shaxsiy dunyoqarash va o'z “meni”ga ega jamiyat bilan quriladi. Aynan shuning uchun hukumat ta'lim tizimini tubdan isloh qilishga katta e'tibor qaratdi. Maktabgacha ta'lim tizimi yangi yondashuv asosida shakllantirildi. Xalq ta'lim tizimini 2030-yilgacha rivojlantirish konsepsiyasi ishlab chiqildi va shunga muvofiq, darsliklarni yangilash bo'yicha muayyan ishlar bajarildi. Xususan, ilg'or xorijiy tajribalar asosida 1-4-sinf darsliklari 4K modeli asosida yangidan tayyorlandi.

soha ravnaqiga to'sqinlik qildi. Ta'lim tizimidagi muammolar yoshlarning imkoniyatlarini cheklash bilan bir qatorda, mamlakatning umumiy rivojlanishiga ham salbiy ta'sir ko'rsatdi.

Ilgari oliygohga bitta o'rin uchun o'n nafardan ortiq abituriyent da'vogarlik qilgan bo'lsa, hozir universitetlar soni uch barobarga ko'paygani tufayli oliy ta'limga kirish imkoniyati oshdi.

Yosh olimlar va talabalarimizning muvaffaqiyati ham ilhom bag'ishlaydi. Bugungi kunda 1,5 mingdan ortiq yiglit-qizilarimiz yetakchi xalqaro universitetlarda tahsil olmoqda. Mutaxassislarni xorijda tayyorlash va vatandoshlar bilan muloqot qilish bo'yicha “El-yurt umidi” jamg'armasi O'zbekiston Respublikasi Prezidenti huzuridagi Istitqiboli kadrlarni tayyorlash bo'yicha “El-yurt umidi” jamg'armasi etib qayta tashkil etildi. Agar davlat 25 yil davomida 800 nafar yoshni xorijga o'qishga yuborgan bo'lsa, oxirgi 7-yilda “El-yurt umidi” jamg'armasi orqali 2,3 ming nafar yoshlarimiz chet elda tahsil oldi.

“Ta'lim — kelajak sarmoyasi” degan ezu g'oya jamiyatimizda katta harakatga aylanmoqda. “El-yurt umidi” jamg'armasi faoliyati takomillashtirilishi natijasida top-300 talik oliygohga kirganlar uchun o'qish va yashash xarajatini qoplash tizimi yangi tartibda ishlay boshladi. Ilmiy darajaga ega yosh olimlar soni 4 ming nafardan oshdi.

2020-yildan boshlab mamlakatdagi barcha oliy o'quv yurtlarida Yevropa standartlari asosida kredit-modul tizimi joriy etildi. Qo'shma ta'lim dasturlari akademik almashinuv orqali talabalarga ikki davlat universitetlari diplomlarini olish imkoniyatini yaratdi.

O'tgan yillarda oliy ta'lim muassasalariga bosqichli ravishda akademik va moliyaviy mustaqillikning berilishi yana bir yangi qadam bo'ldi. Bu OTMga o'quv rejalarni mustaqil tasdiqlash, yangi ta'lim yo'nalishlari ochish va akademik mobilikni amalga oshirish imkoniyatini berdi. Natijada davlat ma'muriy boshqaruvi sezilarli darajada optimallashtirildi va OTMdagi innovatsion jarayonlar tezlashdi. Xalqimizning ko'p yillik og'rig'i, dardi bo'lgan paxta terimiga majburiy jalb qilish amaliyotiga barham berildi.

Bugun biz taraqqiyotimizning navbatdagi tarixiy bosqichi — ijtimoiy bog'lanish jarayoniga guvoh bo'lyapmiz.

Tarqoq, o'z nafini o'ylaydigan, shaxsiy manfaatlarini ustuvor qo'yadigan kishilar jamoasidan — yakkidil va qudratli jamiyatga aylanayotganimizni kuzatish mumkin. Bu yo'ldagi eng katta kuch — ijtimoiy harakatlardir.

Qisqa davr ichida davlatimiz rahbari Shavkat Mirziyoyev tomonidan ilgari surilgan qat'iy tashabbuslar ijtimoiy harakatlarga aylandi. “Besh tashabbus”, “Zakovat” intellektual o'yini, “Yashil makon” kabi loyihalar institutsional muvaffaqiyatli harakatlar sifatida namoyon bo'lgan bo'lsa, yashil taraqqiyotga intilish, milliy qadriyatlar va tarixni ulug'lash, yoshlar ta'limi, xorijiy tillarni o'rganish, mahallalardagi chinakam insonparvarlik ruhi va faol tadbirkorlik harakatlari jamiyatning yaratilgan sharoitlarga javobi va islohotlardan ruhlanishi natijasida vujudga kelgan katta ichki kuchga ega bo'lgan harakatlardir.

Mana shu ijtimoiy harakatlari ko'lamineng kengayishi mustaqillikni mustahkamllovchi eng muhim omillar sanaladi.

Jamiyatimizda kuzatilayotgan yana bir ijobiy tendensiya — qonunlardan qo'rqqishdan ularni hurmat qilishga o'tilayotganidir. Bu — jamiyat taraqqiyotining oliy nuqtasi bo'lib, uyg'oq, qonunga sadoqatli va o'z ta'dirini o'zi belgilaydigan millat sifatida shakllanayotganimizdan dalolat beradi.

Bu yo'ldagi birdamligimiz, ijtimoiy kuchimiz va fidoyiligidir — kelajak avlodga qoldiradigan eng katta merosimiz bo'ladil.

Suverenitet — bu shunchaki xaritada chegaralar emas, balki odamlarning ma'naviy yetukligi, hamjihatligi, ichki kuchidir.

O'ttiz yildan oshiq vaqt davomida biz “mustaqil” degan nomni oqlashga va suveren davlat sifatida oyoqda mustahkam turishga harakat qildik. O'z vaqtda ko'rsatilgan qat'iyat va siyosiy iroda bugun o'zining ijobiy natijasini bermogda: O'zbekistonni butun dunyo taniydi va tan oladi. Oldinda esa uni yangi islohotlar va yangi cho'qqilar sari yo'l kutmoqda.

Aloh taolga beaded shukronalar bo'lsinki, bugun yurtimizning shahar va qishloqlarini eng ulug', eng aziz ayyom — mustaqilligimizning 34 yilligi munosabati bilan o'tkazilayotgan bayram tantanalari shodiyonaga to'ldirmogda. Mustaqillik bayrami — har birimiz uchun g'oyat qadrlil va ulug' ayyom. Zero, aynan istiqlol orqali biz o'zligimizni, milliy qadr-qimmatimizni, insoniy haq-huquqlarimizni anglab yetdik.

TARIXI BUYUK XALQ ULUG'VOR ISHLARGA QODIR

Ushbu shodiyona kunlarda tarixiy ahmiyatga molik yana bir muhim voqelik — Islom sivilizatsiyasi markazi qurilishi yakunlandi, oxirgi pardozlash ishlari ham poyoniga yetib qoldi. Mazkur ziyo maskani buyuk allomalimizning jahon tamadduniga qo'shgan ulkan hissasini namoyon etuvchi, yosh avlodni ilm-ma'rifat ruhida tarbiyalovchi markaz sifatida O'zbekistonning yangi tarixida tom ma'noda Uchinchi Renessans poydevoriga aylanajak.

Inson qadri — yuksak tamoyil sifatida

Yurtimizdagi har bir islohot markazida inson qadri, uning sha'ni va farovon hayotini ta'minlash kabi tamoyillar turibdi. Bu, o'z navbatida, milliy qadriyatlarimiz va islom dini ta'limotlari bilan uyg'un holda yurtimizning ma'naviy taraqqiyotiga xizmat qilmoqda.

Haq taolo Qur'oni karimda marhamat qiladi: **“Aloh yaxshilik qiluvchi bandalarini yaxshi ko'radi”** (Moida surasi). Shu ma'noda, davlatimiz rahbarining **“Odamlarni hayotdan rozi qilish — asosiy mezon”**, degan da'vati, ta'bir joiz bo'lsa, qat'iy talabi asosida amalga oshirilayotgan egzu ishlar xalq manfaatlarini yo'lida xizmat qilmoqda.

So'nggi yillarda diniy-ma'rifiy sohadagi keng ko'lamlil islohotlar yurtimizda



Shayx Nuriddin XOLIQNAZAR,
O'zbekiston musulmonlari idorasi
raisi, muftiy

Buyuk ajdodlar merosiga munosib hurmat

Yurtimizda islom madaniyati, islomshunoslik va allomalar merosiga munosabat yangi bosqichga ko'tarildi. Xususan, Imom Buxoriy majmuasidagi obodonlashtirish va rekonstruksiya ishlari nafaqat yurtimiz, balki butun islom olami e'tiborini tortmogda.



inson qadri ulug'lanayotganining yaqqol isbotidir. Masalan, diniy soha vakillari, ulamolar, imom-domlalarning mehnati munosib rag'batlantirilmogda. Bu e'tibor yuksak darajadagi davlat mukofotlari bilan taqdirlashda ham o'z ifodasini topmogda.

“Imom Buxoriy” ordeni — yuksak e'tibor ramzi

2025-yil 23-avgust kuni biz uchun tarixiy sana bo'ldi. O'zbekiston Prezidentining farmoniga asosan, mustaqilligimizning 34 yilligi munosabati bilan kamina “Oliy Darajali “Imom Buxoriy” ordeni bilan taqdirlandim. Shuningdek, yurtimizdagi bir guruh faol ulamolar “Imom Buxoriy” ordeniga sazovor bo'ldi. Bu yurtimizda din peshvolariga, ilm ahliga yuksak e'tibor va hurmat ifodasidir.

Bu mukofotni Prezidentimiz qo'lidan qabul qilish shaxsan men uchun hayotimdagi eng hayajonli voqea bo'ldi. Zero, mazkur ordenlar nafaqat bizga, balki yurtimizdagi barcha diniy soha vakillari mehnatiga berilgan yuksak bahodir.

Yangi O'zbekistondagi islohotlarda ilm va ma'rifat asosiy ustuvor yo'nalishlardan biriga aylandi. Ulamolarga ko'r-satilayotgan e'tibor yanada oshdi. Zero, mo'tabar manbalarda ham ilm egalari ulug'langan. Jumladan, Qur'oni karimda bunday zikr qilinadi: **“Aloh sizlardan imon keltirgan va ilm berilgan zotlarni (baland) darajalarga ko'radi”** (Mujodala surasi, 11-oyat).

Payg'ambarimiz (s.a.v.) hadislarida: “Ulamolar payg'ambarlarning meros-xo'rlaridir”, deya olimlarning maqomi va fazli alohida ta'kidlangan.

Bugunning gapi

Odatda yilning qaysidir vaqti yoki muayyan mavsumda aholining elektr energiyasiga talabi doimgiga nisbatan ortishiga o'rganib qolganmiz. Lekin keyingi yillarda bu tendensiya o'zgardi. Endi ushbu talab mavsum tanlamayapti. Yilning qaysi davri bo'lmasin, odamlarning elektr energiya iste'moli muntazam oshib bormoqda. Bu yurtimizdagi rivojlanish, aholi farovonligi o'sib borishi, iqtisodiyot tarmoqlari ravnaqi kabi ijobiy omillar bilan bog'liq. Ammo masalaning boshqa tomoni shundaki, talab ortishi energetika sohasi vakillari oldiga aholini uzluksiz elektr energiyasi bilan ta'minlash vazifasini qo'yadi.



BARQAROR ENERGIYA TA'MINOTI

KELGUSI REJALAR QANDAY?



Feruz QURBONOV,
“O'zbekiston milliy elektr tarmoqlari” AJ boshqaruvchi raisi o'rinbosari

Buning uchun tizimga katta mablag' ajratilib, bir necha o'n yillar davomida qilinmagan islohotlar amalga oshirilyapti. Yangi tarmoqlar tortilib, chekka hududlarga elektr toki kirib bormoqda. Ammo bu endi tarmoqda hech qanday uzilish, avariya holati bo'lmaydi degani emas. Turli ob-havo sharoitida bunday holatlar kuzatilishi tabiiy. Tizimdagi eng katta o'zgarishlardan yana biri ana shunday holatlarni tezkor bartaraf etishga erishilayotgani,

tarmoqdagi uzilishlar davomiylikni bir necha barobar qisqarganida.

Bu yil ham yoz odatdagi issiq keldi. Ayniqsa, iyul oxirlarida kuzatilgan yuqori harorat tufayli poytaxtimizning ayrim tumanlarida elektr tokida uzilishlar bo'lgani yurtdoshlarimizning haqli e'tirozlariga sabab bo'ldi. Shunday vaqtda tizimda hali qilinadigan ishlar ko'pligi ko'rinib qoladi.

Gap shundaki, hududlar, ayniqsa, Toshkent shahrida aholi soni ham, bunyodkorlik ko'lamini ham oshib boryapti. O'tgan bir yilda 12 mingta yangi quvvat, savdo va servis majmualari ishga tushirildi. Yil boshidan beri poytaxtimizda elektr iste'molchilari yana 40 mingtaga ko'paygan, talab 6 foiz oshgan. Odamlarning turmush tarzi yaxshilani, maishiy texnikalardan foydalanishi ko'paygan. Natijada Toshkent shahridagi 46 ta podstansiya va 207 ta transformator ortiqcha yuklama bilan ishlapyapti. Bularning barchasi sohada modernizatsiya jarayonini izchil davom ettirish, yangi quvvatlarni ishga tushirishni talab qiladi.

Oxirgi ikki yilda poytaxtda elektr ta'minotini yaxshilash uchun 2 trillion 800 milliard so'm yo'naltirilgan. Shular hisobidan 36 ta podstansiya, 665 ta transformator, 2000

kilometrdan ziyod tarmoq yangilandi. Joriy yilda ham belgilangan rejalari bisyor. Shu yil 8-avgust kuni davlatimiz rahbariga Toshkent shahrida energetika tizimi barqarorligini ta'minlash chora-tadbirlari bo'yicha axborot berildi. Taqdimotda har bir tuman va mahallalar kesimidagi rejalari bayon qilindi. Unda ko'rsatilishicha, bu yil birinchi bosqichda 374 kilometr tarmoq, 11 ta podstansiya, 62 ta transformatori yangilash ko'zda tutilgan. Kelasi yili yana 788 kilometr tarmoq, 35 ta podstansiya va 145 ta transformator modernizatsiya qilinadi. Jumladan, mahallalardagi transformator va tarmoqlar ta'mirlanib, yangilari o'rnatiladi.

Har bir loyiha yangi tarmoqlar degani

Bunday sa'y-harakatlar yurtimizning barcha hududida faol amalga oshirilyapti. Shuning hisobiga aholini elektr energiyasi bilan uzluksiz ta'minlash ko'rsatkichi oshib boryapti. Bundan 7-8 yil oldingi holat bilan hozirgi vaziyatni solishtirgan har qanday inson buni yaqqol sezadi. Chunki soha vakillarining asosiy maqsadi aynan elektr ta'minoti uzluksizligini ta'minlashga qaratilgan. Bu bevosita aholi turmush tarzi, sanoat korxonalarini rivoji bilan bog'liq masala ekani mas'uliyatini yanada oshiradi.

Elektr energiyasi aholiga elektr uzatish tarmoqlari hamda podstansiyalar orqali yetkaziladi. Shuning uchun aynan ularning soz holatida ishlashi asosiy masaladir. Bugun “O'zbekiston milliy elektr tarmoqlari” aksiyadorlik jamiyati tarkibidagi 14 ta hududiy filial ixtiyorida 35-500 kilovattli 36 ming 800 kilometr elektr uzatish tarmoqlari hamda 1583 ta podstansiya mavjud. Joriy yilda elektr uzatish tarmoqlari orqali 74,6 milliard kilovatt-soat elektr energiyasini yetkazish rejalashtirilgan. Podstansiyalarning umumiy quvvati esa 51 ming 630 megavattga teng.

Aholiga elektr energiyasini uzluksiz yetkazib berish uchun, avvalo, magistral elektr tarmoqlari hamda podstansiyalarni muntazam modernizatsiyalash va rekonstruksiya qilish talab etiladi. Bu odatda investitsiya loyihalari hisobidan amalga oshiriladi. Aksariyat yirik loyihalarga xalqaro moliya tashkilotlari mablag' ajratmoqda. Xususan, xalqaro

moliya institutlaridan jalb qilingan kreditni o'zlashtirish darajasi 2021-yilga nisbatan qariyb 5 barobar oshdi. Joriy yilda 251,3 million dollar o'zlashtirilishi kutilmoqda.

Bugun o'zaro hamkorlikda 19 ta investitsiya loyihasini moliyalashtirish uchun 1,4 milliard dollar kredit jalb qilingan. Mazkur loyihalar doirasida hududlarda 2385 kilometr elektr uzatish tarmog'i tortish hamda 8062 megavolt amper ko'shimcha quvvat yaratish rejalashtirilgan. Ayni kunga qadar ularning 12 tasi ishga tushirildi. Natijada 2385 kilometr elektr uzatish tarmog'i tortilib, 5004 megavolt amper ko'shimcha quvvat yaratildi. Hozir yana 7 ta loyiha amalga oshirilyapti.

Umuman, investitsiya dasturi loyihalari ko'lamini ancha keng. Xususan, 2025-yilda umumiy qiymati 259,2 million dollar bo'lgan 6 ta investitsiya loyihasi ishga tushirilishi rejalashtirilgan. Buning hisobidan 485 kilometr uzunlikda elektr uzatish tarmoqlari tortiladi hamda 2 ta yirik podstansiya ishga tushiriladi. Xalqaro moliya institutlari krediti ishtirokida esa umumiy qiymati 200,2 million dollar bo'lgan 2 ta investitsiya loyihasi ishga tushirilishi ko'zda tutilgan.

Bu borada 2030-yilgacha mo'ljallangan rejalari ham bor. Ular nafaqat reja, balki aniq loyihalaridir. Jumladan, 2030-yilga qadar magistral elektr tarmoqlari va podstansiyalarni rivojlantirish hamda yangi elektr stansiyalarini energetika tizimiga integratsiya qilish maqsadida umumiy qiymati 4,1 milliard dollarlik 119 ta investitsiya loyihasini amalga oshirish ko'zlangan. 18 ta loyiha doirasida 4375 kilometrli umumiy quvvati 500 kilovatt bo'lgan elektr uzatish tarmoqlari tortiladi. Mazkur loyihalarning 7 tasini davlat-xususiy sheriklik asosida investorlar amalga oshiradi.

Bir qismini muqobil energiya qoplaydi

Rejalari, loyihalar yaqin bir necha yillarni qamrab olayotgani bejiz emas. Boisi, elektr energiyasiga ehtiyoj kun sayin o'sib boryapti va buni ta'minlash uchun oldindan choralar ko'rish zarur. Masalan, 2030-yilga borib, mamlakatimiz iste'molchilarining elektr energiyaga yillik talabi joriy 74 milliard kilovatt-soatdan 110 milliard kilovatt-



soatgacha oshishi hisob-kitob qilingan. Demak, yetkazib berish manbalarini ham shunga yarasha oshirib borish kerak. Bu talabning bir qismi esa muqobil energiya manbalaridan foydalanish ko'rsatkichini oshirish hisobiga qoplanadi.

Bugun mamlakatimizni elektr energiyasi bilan ta'minlash haqida gap ketganida muqobil energiya manbalariga alohida e'tibor qaratilayotgani bejiz emas. Boisi, O'zbekiston “yashil” energetika borasida qisqa vaqtda o'z tajribasini yaratib, mintaqada yetakchilik qilmoqda. Hatto ilg'or davlatlar yurtimizning bu boradagi dadil qadamlarini e'tirof etib, ushbu yo'nalishga ikkilanmay sarmoya kiritayapti.

Hozir yurtimizda umumiy quvvati 4119 megavatt bo'lgan 11 ta quyosh fotoelektr stansiyasi hamda 4 ta shamol elektr stansiyasi “yashil” energiya ishlab chiqarmoqda. Joriy yil iyulda mamlakatimizdagi quyosh va shamol elektr stansiyalari tomonidan 1 milliard 246 million kilovatt-soat elektr energiya ishlab chiqarilgan. Bu O'zbekiston energetika tizimi uchun yangi rekord natijadir.

Mazkur generatsiyaning 760,9 million kilovatt-soat qismi quyosh elektr stansiyalari,

485,4 million kilovatt-soati esa shamol elektr stansiyalari hissasiga to'g'ri keladi. Natijada 377,5 million kub metr tabiiy gaz tejalib, atmosfera 1 million 120 ming tonna zararli gaz chiqishining oldi olindi.

O'zbekistonda 2030-yilga borib, “yashil” energiya hajmini 54 foizga yetkazish maqsad qilingan. O'tgan yili yurtimizda umumiy quvvati 3,5 gigavattli qayta tiklanadigan energiya manbalari muvaffaqiyatli ishga tushirildi. Joriy yilda yana shuncha quvvatdagi qo'shimcha obyektlar foydalanishga topshirilishi rejalashtirilgan. 2030-yilga borib esa mamlakatimizda qayta tiklanadigan energiya manbalari quvvatini 25,4 gigavattga yetkazish ko'zlangan.

Yurtimizda muqobil energiya manbalariga o'tish ko'rsatkichi ham talab, ham zarurat jihatidan ortib boryapti. Sanoat korxonalarini muqobil energiya tizimiga o'tkazish choralari ko'rilmogda. 2027-yilgacha yirik korxonalar va turizm maskanlarida 752 megavattli quyosh stansiyasi hamda 812 megavattli saqlash quvvatlarini tashkil etish rejalashtirilgan.

Boshqa hududlarda ham ishlar jadal bajarilmoqda. Ko'plab aholi xonadonlari allaqachon quyosh panellaridan foydalanishga o'tgan. Natijada yurtimizda elektr energiyasi ishlab chiqarish hajmida qayta tiklanadigan energiya manbalari hisssasi ortmoqda. 2023-yilda bu ko'rsatkich 15 foizni tashkil etgan bo'lsa, joriy yil oxirigacha 25 foizga

yetkazilishi ko'zlangan. Demak, 2030-yilgacha mo'ljallangan 54 foizli natijaga ham erishiladi. Bu raqamlar O'zbekistondagi barqaror va kam uglerodli energetika kelajagiga sodiqligini namoyon etadi.

Umuman, milliy iqtisodiyotimizning asosiy yo'nalishlaridan biriga aylangan holda energetika sohasida mahalliy lashtirish darajasi oshib boryotir. Tarmoqda foydalaniladigan qurollarning aksariyati mahalliy korxonalarda ishlab chiqarilyapti. Tajribali mahalliy qurollish tashkilotlari tarkibida bugun 70 dan ortiq brigada va mingdan ziyod maxsus texnika mavjud. Ular 1 oyda 84 kilometr va 1-yilda ming kilometrdan ziyod 500 kilovattli elektr uzatish tarmoqlarini tortish imkoniyatiga ega.

Energetika ta'minoti sohasida bugun mablag' ham, mahalliy quvvat ham, sharoit va salohiyat ham yetarli. Faqat ularni tizimli va muntazam ishga solish, yangi quvvatlarni yaratishga qaratilgan loyihalar ko'lamini oshirish lozim. Oldimizga qo'yilgan ana shu maqsad va vazifalarni ro'yogga chiqarish orqali yurtimizda elektr energiyasi uzluksizligini ta'minlashga bel bog'laganmiz.

Yer — dehqon xazinasini

G'alla yetishtirishning innovatsion usullari bilan tanilgan Ellikqal'a tumanidagi “Amirobod jayroni” fermer xo'jaligi 2015-yilda tashkil etilgan. Bugun 50 kishi ish bilan ta'minlangan. Ushbu xo'jalik a'zolari 195 gektar yerda har yili paxta, g'alla yetishtirib kelmoqda. O'tgan yil paxtadan gektariga 42 sentnerdan jami 417 tonna hosil olingan edi. Joriy yilda g'allaning har gektaridan 86 sentnerdan xirmon ko'tarildi.

Xo'jalikning 10 gektar yerida suv tejoychi texnologiyalar o'rnatilgan. Fermer xo'jaligi rahbari Rejebbay Avezov yaqinda eng faol va namunali fermer xo'jaligi rahbari sifatida “Ilg'or fermer” ko'krak nishoni bilan taqdirlandi.

To'rtko'l tumanidagi “Chorvador” fermer xo'jaligining 46 gektar yerida paxta, 25 gektarida g'alla va 15 gektarida boshqa ekinlar yetishtirib kelinmoqda. 37 yillik faoliyat tarixiga ega xo'jalikni bugun tajribali fermer Ismail Serjanov boshqarib kelmoqda. Joriy yil xo'jalik a'zolari g'allaning har gektaridan 80 sentnerdan hosil olib, 200 tonna dan yetishtirgan bo'lsa, 25 gektar joyda suvni tejoychi texnologiyadan samarali foydalanish orqali mo'l hosil olishning uddasidan chiqdi.

Mamlakatimiz qishloq xo'jaligini rivojlantirish, oziq-ovqat xavfsizligini ta'minlashga munosib hissa qo'shib kelayotgan ilg'or fermerlarni rag'batlantirish hamda sohadagi muammo va kamchiliklarni bartaraf etish maqsadida hududlarda fermerlar bilan uchrashib, to'g'ridan to'g'ri mulohazalar qilinmoqda, — deydi O'zbekiston fermerlari



USHBU MAQOLANI QORAQALPOQ
TILIDA HAM O'QISH UCHUN
QR-KODNI SKANER QILING!

QORAQALPOG'ISTONLIK FERMERLAR

QISHLOQ XO'JALIGINING BARCHA TARMOG'IDA BARAKALI HOSIL YETISHTIRMOQDA

kengashi raisi Aktram Haitov. — Hammamiz juda yaxshi bilamiz: Qoraqalpog'iston sharoitida qishloq xo'jaligi mahsulotlarini yetishtirish ancha ko'p mehnat talab qiladi. Shu bois, joylardagi muammo va takliflar o'rganilib, fermer xo'jaliklari faoliyatini rivojlantirishning barcha chorasini ko'rishga harakat qilyapmiz. Shuningdek, ilg'or va namunali fermer xo'jaliklari rahbarlarining mehnati munosib rag'batlantirilmoqda. Tumanlardagi 100 dan ortiq ilg'or fermer xo'jaliklari rahbarlari ishtirok etgan konferensiyada ham ayni masalalar muhokama qilindi. Ularning yechimi, albatta, yurtimiz qishloq xo'jaligi taraqqiyotini yangi bosqichga olib chiqishga xizmat qiladi.

Haqiqatan, fermer va dehqonlarga huquqiy, iqtisodiy hamda texnik ko'mak

berib kelinmoqda. Bu yordam urug'ni yerga sepishdan tortib, yetishtirilgan hosilni bozorga yetkazishgacha bo'lgan barcha bosqichni qamrab oladi. Ushbu sa'y-harakatlar qishloq joylarda barqaror ish o'rnatish, aholining turmush darajasini oshirish va zamonaviy qishloq xo'jaligini rivojlantirishga xizmat qilmoqda.

Qishloq xo'jaligida raqamli texnologiyalarni joriy etish borasida alohida ishlar yo'lga qo'yilgan. Xususan, agro.gov.uz platformasi orqali fermerlar uchun yer ijarasi, subsidiya, urug'chilik, mahsulotlarni bozorga chiqarish va suv resurslarini boshqarish kabi yo'nalishlar raqamlashtirilgan. Bugun mazkur platforma orqali 3,2 million gektar yer nazoratga olingan, 1,4 trillion so'mlik subsidiya taqsimlangan va

843 ming dehqon raqamli ijara tizimiga jalb qilingan.

Bunday raqamli yondashuvlar fermerlar faoliyatini yangilash, ishonchli ma'lumotlar asosida qaror qabul qilish imkonini yaratmoqda. 2025-yildan boshlab yangi avlod innovatsion platformalari — “AgroMonitoring”, “AgroDocs”, “Hosi Qabul 2.0” kabi loyihalar joriy qilinishi rejalashtirilgan. Bu yangilanishlar tarmoqni yanada shaffof, samarali va texnologik rivojlangan sohaga aylantirishi kutilmoqda.

So'nggi yillarda iqlim o'zgarishining salbiy oqibatlarini keltirib chiqarayotgan muammolar va dunyodagi beqaror geosiyosiy vaziyat har bir davlat, qolaversa, iqtisodiyotning barcha tarmoqlari oldiga kechiktirib bo'lmaydigan chora-tadbirlarni ko'rishdek mas'uliyatli

vazifalarni qo'ymoqda. Ayni paytda mamlakatimiz aholisi soni tobora oshib boryotgani sifatli qishloq xo'jaligi va oziq-ovqat mahsulotlariga ehtiyojning ortishiga olib kelayotir. Shunday murakkab vaziyatda soha rivojiga qaratilayotgan alohida e'tibor, mavjud resurslardan samarali va tizimli foydalanish, yaratib berilayotgan munosib mehnat sharoiti tufayli qishloq xo'jaligining barcha tarmog'ida barakali hosil yetishtirilib, barqaror o'sish ta'minlanmoqda. 2020-2025-yillarda agrar sohani rivojlantirish uchun 30 ta qonun, 33 ta farmon va 120 ta qaror qabul qilingan. Aynan Qoraqalpog'istonni ijtimoiy-iqtisodiy rivojlantirish bo'yicha 20 dan ortiq qaror va farmon chiqdi. Qolaversa, fermerlarga imtiyozli kreditlar to'g'ridan to'g'ri ajratiladigan bo'ldi.

Oxirgi uch yilda mahsulot yetishtiruvchilarni moliyaviy qo'llab-quvvatlashga alohida e'tibor berilib, 50 dan ortiq yangi subsidiya turi joriy etildi. Masalan, suv tejoychi texnologiyalar uchun 2,5-8 million so'mgacha, xorijdan import qilingan qoramol, qo'y va echkingar har boshiga 0,4-2 million so'mgacha, Qoraqalpog'iston Respublikasi va Xorazm viloyati tuproq sharoitini inobatga olib, 2024-yildan har gektar lazerli tekislangan maydonga 1 million so'mdan subsidiya ajratilmoqda.

Joriy yil 13-avgustida davlatimiz rahbari raisligida to'qimachilik sohasida eksport imkoniyatlari va zaxiralarni ishga solish masalalar bo'yicha o'tkazilgan video-selektor yig'ilishida paxta yetishtirish va qayta ishlashni qo'llab-quvvatlash bo'yicha muhim tashabbuslar ilgari surildi. Unga ko'ra, fermerlar paxtani o'z vaqtida va nobud qilmay yig'ib olishi uchun har tonnasiga 1 million so'mdan subsidiya ajratiladigan bo'ldi, — deydi Qoraqalpog'iston fermerlari kengashi raisi Ilhom Yunusov. — Shu bilan birga, korxona

o'z xabrig'ini hisobidan paxta yetishtirsa yoki maral qilsa, xomashyo qiymatining 10 foizi davlat tomonidan qoplab beriladi. Bu, avvalo, fermerlar uchun sezilarli moliyaviy ko'makdir. Har tonna paxta uchun berilgan subsidiya fermerlarning aylanma mablag'ini ko'paytirib, yig'im-terim jarayonida texnika, ishchi kuchi va logistika xarajatini o'z vaqtida qoplashiga yordam beradi.

Prezidentimizning qishloq xo'jaligini rivojlantirish bo'yicha qator imtiyozlar berilish nazarda tutilgan maxsus qarori e'lon qilinishi yurtimizga yangi texnika va agregatlarning kirib kelishiga yo'l ochdi, hosildorlikka salmoqli hissa qo'shdi.

Bahor oylarida ob-havo juda qulay kelgani ham dehqonlarning xirmoniga baraka kiritdi, — deydi Ilhom Yunusov. — Bu yil Qoraqalpog'istonda g'alladan har yilgidan ham mo'l hosil olindi. Albatta, ko'zlangan maqsadlarga erishishda mirishkor fermer va dehqonlarimizning hisssasi beqiyos. Joriy yilda aksariyat fermer xo'jaliklari har gektardan o'rtacha 90-95 sentnerdan g'alla yetishtirdi. Beruniy tumanidagi “Yuldosh katli”, “Olmosbek To'lg'injon o'g'li”, “Muxriddin Qurbanbayev”, Xo'jayli tumanidagi “Botir Arkadiy”, “Agro Azerbay” va “Sultanov Toxtabay” fermer xo'jaliklari hamda Taxiotosh tumanidagi “Sadullayev Jamshid” va “Jalayir” fermer xo'jaliklari shular jumlasidan.

Dehqon va fermerlarning tinimsiz mehnati, agronomlarning bilim va tajribasi, soha xodimlarining fidoyiligi bu yuksak natijaga erishishda muhim o'rinni tutdi. Ular o'z vazifasiga siddiqdildan yondashib, mas'uliyat va fidoyilik namunasini ko'rsatdi. Zamonaviy texnologiyalar va uskunalar yordamida g'allaning sifatli saqlanishi ta'minlanmoqda. Bu yutuq Qoraqalpog'istonning iqtisodiy taraqqiyotiga, aholi farovonligini oshirishga va mamlakatimiz oziq-ovqat xavfsizligini mustahkamlashga xizmat qiladi.

Minajatin QUTLIMURATOV,
“Yangi O'zbekiston” muxbiri



VATANNI ANGLASH

Esse

jo'natishdi. Safardan qaytgach, jo'ralarim bilan sayohatimni muhokama qilganimiz. Tabiiyki, men ko'rganlarimni o'zgacha g'urur bilan aytib beraman:

- Cho'miladigan kanali bor, suvi tipi-tiniq!
- E, o'zimizning Narpay kanali zo'r. Uyning oldida. Ba'zan loyqa bo'lsayam, maza qilamiz, — deydi Rahim.
- Qavatli uylar bor ekan Toshkentda!
- O'zimizning hovli yaxshi. Sigir bor, qo'y bor, tandir bor, hozir quyon ham boqayman. Qavatli uylarda bolalar zerikadi, — deydi boshqa bir o'rtog'im.
- Bizga kotlet, kakao berishdi, nonlarni ham pichoqda kesib, bo'laklab berisharkan!
- Onam pishirgan un oshidan shirin taom bormi?! Bizning chalob bilan o'rik suvidan ichib ketsin ular, — deydi boshqa sinfdoshim.

Xullas, aytganlarimga havas qilishsa-da, ular Ziyovuddinini, o'zimizning taomlarni ma'qul ko'rishadi. Havosiyu tuprog'i, suvigacha zo'r ekanini isbotlash uchun soatlab tortishishdan charchamaydi. Endi o'ylab qarasma, Vatanga muhabbat o'shanda bolalik o'yinqaroqligiyu jomadonimizni qo'ltuqlaganimizcha bizni shaharga kuzatgan qishloq, oilamizda supadagi dasturxon atrofida kechgan qizg'in subbatlar shuurimizga hech ketmaydigan bo'lib joylashgan ekan. Vatan deganda ayvoniga qaldirg'och in qurgan uyimiz, atrofiga rayhon ekilgan supa, mung'ayibgina turgan tandir, har kuni tongda va kechda suv sepilib, supurilgan tuproqli ko'cha, quyosh ufqga bosh qo'yganda ko'chani to'ldirib qo'y-qo'zilarni haydab kelayotgan cho'pon bobo va nihoyat maktabni tugatgach, katta yo'lga chiqqanimizda qo'l siltab bizni olqishlab kuzatgan, xuddi harbiylardek saf tortgan teraklar... hamma-hammasi kino tasmasidek ko'z oldimdan o'taveradi. Balki Vatan deganlari shudir?

Ziyovuddinga har gal borganimda ota uy darvozasi oldida o'tirib, bir zum olis bolalikga qaytaman, qo'shilarimizni, qarindoshlarimni eslayman. Ularning ko'pi bugun oramizda yo'qligini eslab, bo'g'zimga nimadir tiqiladi. Oldimdan o'tayotgan har bir kishi salom beradi yoki ko'rishib o'tadi. Ko'pini tanimayman, ammo yuz tuzilishi, gap-so'ziga qarab kingadir o'xshataman, mengzayman. Go'yo ularda yoshligimni ko'rganday bo'laman. Gapga

tutaman, ishi, o'qishi, kelajakdagi rejalari haqida to'ltinlanib gapirishida ertangi kunga ishonchi mustahkam ekanidan ko'nglim yayraydi. Balki Vatan deganlari shu ishonchmikan?!

Mening ham ular bilan gaplashgim kelaveradi. Chunki ana shu zamin ruhi bizni yaqinlashtiradi. Dunyoni anglashda bir-birimizga yordam berganimiz. Mabodo ulardan birini boshqa yerda ko'rib qolsam ham ana



shu ruhni sezaman. Ularda ham shunday holat bo'lsa kerak. Ular orqali bolalikdan shuurimga singgan fazilatlar bor. Ana shu fazilatlar bu zaminni qadrli, muazzam ko'rsatadi.

Darvoza oldidagi o'rik daraxti usta Tosh bobomning fe'li, haloligini eslatib turadi. O'zim tug'ilib o'sgan joy bilan bog'liq bunday qadrlar misollar juda ko'p. Ha, ularni qadrlar deb atashga haqliman. Axir ularning har biri menga saboq bergan, har biri yuragimning qat-qatiga singib, shirin xotiralarga aylangan. Mana, oradan necha o'n yilliklar o'tsa-da, hamon qalb xotiralaridan eng chiroyli bitikdagi joy olgan.

Yo'llar, daraxtlar, nabotot olami, momomning tandiri, hassa tayanib turganday binolar, g'amlangan o'tinu sovuqda o'tinni charsillatib yondiradigan qadrlar pechka...

Bilasizmi, hatto osmondagi oy va yulduzlar ham qishlog'imda boshqacharoqday tuyuladi. Turfa fe'lini hech kimdan yashirmaydigan va o'z navbatida qishloqdoshlari ham shu fe'lga yarasha muomala qiladigan samimiy odamlar... Eslaganimda ulardan birortasi yodimga tushmasa, xotiralarim kemiti, yetim bo'lib qoladi. Balki Vatan deganlari shudir?

Ajdodlarim yurti — ko'hna kent Qarnabotaga o'tsam, ostonasidayoq ruhimga g'urur

boshqa makonlar otini aytсам ham bo'lar, biroq ana shu qadimiy qishloq ruhi xayolimda meni kechayu-kunduz ko'tarib yurgandek...

Mabodo viloyatdagi biror tadbirda qishloqdoshimni ko'rib qolsam, darhol bag'ringa bosaman, hol-ahvol so'rayman. Negaki u bobom, otam yurgan yo'llardan yurib kelgan, unda kindik qonim to'kilgan zaminning, yalpizu shuvoqlarning hidi, nafasi bor. Vatan muqaddas, muazzam tuproq, unga munosib bo'lmoq lozim. Aks holda...

Bolaligimdagi bir voqea hech esimdan chiqmaydi. Qishlog'imizdagi bir oila bir kechada Jizzaxga cho'lni o'zlashtirish uchun ko'chib ketdi. Maktabda o'qiydigan bolalari ham birga ketdi. Keyinchalik ehsitsak, oila boshlig'i va ayoli mahalla uchun juda nojo'ya ish qilgan. Mahalla oqsoqollari qarori bilan ular ko'chirib yuborilgan. Biroq ana o'sha oila boshlig'i vafot etganda qishlog'imizga olib borilib, dafn qilindi. Farzandlariga shunday vasiyat qilgan ekan. Ehtimol, shu zaminda uning ruhi taskin topgandir...

Paxtachidagi 25-maktabda o'qiganman. Bitirish arafasida o'g'il bolalar maktab uchun Zarafshon daryosi yaqinidagi zavod hovlisida mingtadan g'isht quyib berardik. Ammo men, Egamberdi Rahmonov (joyi jannatdan bo'lsin!) va Rahim Sultonovga maktab uchun qorovulxona qurish topshirildi. 1970-yilda tiklangan o'sha bino hozirgacha turibdi. Har gal maktabimga borganimda u ko'zimga koshonadek ko'rinadi. Chunki unda mehrim, mehnatim bor. U men uchun Vatanimning bir bo'laki. Demochimanki, inson o'zi barpo etgan maskanni ko'proq sevadi. Vatan sadoqatli farzandlari mehnati bilan go'zal diyoraga aylanadi. Chet eldagi har qancha go'zal, hashamatli joylarga havas qilmaylik, uni o'z vatanimizchalik seva olmaymiz. Vatanni sevgan odam uni qizg'anib sevadi, ich-ichidan sevadi.

Ulug' kitoblarimizda "Vatanni sevmok imondandir" degan hikmat bor. Bu bejiz aytilmagan. Vatanni sevish uchun unga munosib ham bo'lmoq lozim. O'zingiz aytib, ziyoli bo'la turib, yaxshi shogird tayyorlamagan, xalqning puli — byudjetga ko'z olaytirgan yoki lanjligi, loqaydligi bois, o'zini o'zi uddalay olmagun odamlar Vatanni sevaman, deyishga haqlimi? Axir yoshlikdan singgan odat bor: biror ish boshlasam, usta Tosh bobom nima deydi, qishloqdagilar qanday fikr bildiradi degan xayol bugun ham, shu yoshimda ham tark etmagan. Bu qishloqdoshlarimga munosiblikdir, balki Vatanga mehr deganidir.

Ba'zan O'rtacho'l bag'ridagi ixchamgina Qarnabota qishlog'i to'ylaridagi bir holatni ko'rib, qalbm g'ururga to'ladi. To'y qilinsa,

uzoq-yaqindan juda ko'p mehmon boradi. Mamlakatdagi ko'plab hududlardan do'stlar, qudalar bor. O'z o'mida ular ham mehmonga borib turadi. Chunki ular Qarnabota sha'nini hurmat qiladi.

Esimda, otam rahmatli Is'hoq muallim universitetga o'qishga kirganimda "Bolam, bu jarayon kuching ham boshimdan o'tgan. Bilasan, ayrim domlalarimning farzandlari, kursdoshlarim bilan haligacha bordi-keldi qilaman. Sen ham safdoshlaringni qadrla, ularga doimo yordam berishga tayyor tur. Toki ular sen orqali avlodimizga, qishlog'imizga mehr qo'ysin", deb nasihat qilgan edi. Qarang, qanday oljanob holat: qishlog'imning bitta yaxshi odami tufayli butun mamlakat bitta fikrga keladi. Demak, Vatan mehri bizni birlashtiradi, kerak bo'lsa, tarbiyalaydi.

Yurtini sevgan odam Vatan ta'rifida chiroyli tashbehlardan tiyiladi. Shuning uchun bo'lsa kerak, Hamid Olimjon, G'afur G'ulom, Erkin Vohidov, Abdulla Oripov, Muhammad Yusuf, Sirojiddin Sayyidning Vatan mavzusidagi she'rlarini qayta-qayta o'qiymen. Ular vatanparvarlik mavzusini, vatan madhini qalbga yetib boradigan tarzda ta'riflagan. Vatanga sadoqat tuyg'ulari ham, nazarimda, qog'ozga osongina tushmaydi. Vatanga muhabbatini his qilgan odamning ruhiyati, ko'zi, harakati bu holatini ko'rsatib turadi. Chunki ular, eng avvalo, odamlarni, xalqni qadrlaydi, sevadi.

Bolaligimdagi tasavvurlarim qishlog'imning go'zalligi, sermeva bog'lari bilan bog'liq. Unda hayrat kuchi ham boshimdan o'tgan. Ular hayrat kuchi ham boshimdan o'tgan. Ular hayrat kuchi ham boshimdan o'tgan. Ular hayrat kuchi ham boshimdan o'tgan.

Vatan ostonadan boshlanadi. Uyini, mahallasini, qishlog'ini seva olmagun kishi Vatanni seva olmaydi. Vatanga muhabbat yurakdan boshlanadi, uni oila, atrofdagi yaxshi odamlar shakllantiradi. Vatan nelingini anglash uchun bir kishining umri kamlik qilgan ekan. Yurtimizdagi har bir xas, yer, suvu havo, hayvonot nabotot, insonlar Vatan degan go'zal manzaraning unsurlaridir. Mamlakatimiz hayotidagi unutilmas hodisa yodimdan chiqmaydi: davlatimiz rahbari BMT Bosh Assambleyasining 75-sessiyasida o'zbek tilida nutq so'zlad!

Ha, xalqimiz yetakchisi shijoat ko'rsatib, minglab odamlar ko'z o'ngida dunyo ahliga o'zbek tilida murojaat qildi. Bobolar ruhi shod bo'ldi o'sha kuni, o'zbek qaddini rostladi! Jahon Prezidentimiz tilida o'zbek millati, o'zbek xalqi g'ururi va shijoatini his qildi. Balki har bir insonning o'z tilida baralla so'zlashi ham Vatan degan tuyg'uning ziynatlaridir!

Yoshim ulg'aygani sayin bir haqiqatni ravshanroq anglayapman: Vatan qiymati hech qachon pasaymaydi, kamaymaydi! Ilgarigidek tez-tez borib zavq olgan onlarim siyraklashgan bo'lsa-da, har qadamda menga peshvoz chiqadigan qishloq bag'ri, odamlari Vatan mehniri qalbmiga yanada teran anglatgandek tuyuladi. Shu yoshga kirib ko'p yurtlarda bo'ldim, necha davlatlarni kezzim. Uzoq yillardan beri kichik vatanimdan oz bo'lsa-da, uzoroqroqda istiqomat qilaman. Ammo yuragimda o'sha, bolaligimda qalbu shuurimda qolib ketgan Vatan mayoq misoli qalbmiga harorat beradi. Bugun ham bir borib kelishim bilan ko'nglimdagi barcha g'ubor ariydi, hech joyda tuymagan bir halovatni topaman. Ko'ngildagi bu yo'lichiroq meni har doim yaxshiliklarga undaydi, shu yoshimgacha nimadir yaxshi ish qilolgan bo'lsam, bularning bariga o'sha mayoq sabab deb o'ylayman.



Yarim tun. O't o'chirish mashinasi sirenasi ovozidan uyg'onib ketdim. Ishqilib tinchlik bo'lsin. Biror maxsus-taktik mashq bo'lsa, mayli, biroq bironing uyi, mol-mulki yoki biror muassasasi yonishidan Yaratgan asrasin.

Ikki yilcha oldin yangi mahallaga ko'chib bordik. Ko'p qavatli uyimiz yonidagi bir hovli yonib ketdi. Bir xonadondan uch kishi nobud bo'ldi. Har kuni ishga o'tar ekanman, shu uyga qayrilib qaray olmayman. Yung'in tafsilotlari haqida ham bilmayman. Bilganim — bir oilaning necha yil yashagan qadrdon uyi yondi, oila uch figarabandidan ayriildi...

Xalqimiz duo qilganida "O't balosidan asrasin", deydi. Haqiqatan, o't balosi yomon. Ayniqsa, yozning quruq, quyoshli kunlarida olov tez kuchayadi va katta hududni qamrab oladi. Hatto qishda ham o't o'chirish qiyinlashadigan holatlar bor. Shuning uchun yong'inning oldini olish qoidalariga doimo amal qilish kerak. Xonadonlar, ishxonalarda elektr va gaz jihozlarini keraksiz paytda o'chirib, ko'chaga chiqishdan oldin qayta tekshirish doimiy qoidaga aylanishi shart. Hamisha sifati va soz uskunalardan foydalanish lozim. Hatto oddiy telefon quvvatlagichni ham elektr tokidan uzmay ketish xatari. Tashkilot va muassasalarda doimo o't o'chirish moslamalari shay turgog'i, maxsus xodimlar o'qitib turilishi zarur.

VAZIYATNI TO'G'RI BAHOLASH — ENG MUHIM QOIDA



Muhiddin TINIBEKOV, Favqulodda vaziyatlar vazirligi Fuqaro muhofazasi instituti o'qituvchisi

Keyingi paytlarda ijtimoiy tarmoqlarda yong'inlarga oid xabarlar tez-tez tarqalmoqda. Hali ko'p qavatli uylardan birinchi ochiq ayvoni yongan, hali avtomobillarga gaz quyish shoxobchasi, hali bozor, hali nomdor obyekt... Bu xususda munosabatlar ham turlicha. Kimdir kimnidir ayblaydi.

Aslida, hammasi oddiy. Yong'ingacha bo'lgan vaziyatni to'g'ri baholash, o't chiqqanda to'g'ri harakat qilish zarur. Ko'p qavatli uylarning ochiq ayvoni o't o'chirish yo'lagi uchun maxsus qoldirilgan. Kimdir bu joyda kir quritadi, kimdir omborxona qilib olgan. Xullas, hamma yashash tarziga yarasha

foydalanadi. Bir kashanda yuqori qavatdan o'chib ulgurman sigareta qoldig'ini tashlab, pastdagi qo'shnisining uyi yonishiga sabab bo'lgan deb eshitdim. Chekkan odam buni hech qachon tan olmaydi, bir bechoraning uyi kuygani qoladi.

Bozorlarda ham xavfsizlik darajasi tez-tez tekshirilib turishi maqsadga muvofiq. Do'kon egalari barcha elektr jihozlari o'chganiga ishonch hosil qilib, keyin uyiga ketishi kerak. Ba'zida tekshiruvga borganida havo aylantirgich (ventilyator) tugmasidan chiqayotgan, biroq elektr manbaidan uzilmagan bo'ladi. Yoki konditsioner, dazmol, changyutkichi bilan ham bog'liq aynan shunday holat uchraydi. Elektrdan uzilmagan hech bir jihoz o't chiqmasligidan kafolatlanmagan. Bir kishining do'koni yonsa, bozordagi boshqalar ham jabr ko'radi.

Yaqinda ijtimoiy tarmoqlarda Jomboydagi gaz quyish shoxobchasidagi yong'in videosi tarqaldi. Kichkina yong'inni o'chirishga harakat qilinmagani oqibatida butun shoxobcha, ikki-uch mashina yonib ketdi. O't o'chirish uskunalarini qani? Xavfsizlik qoidalariga nega rioya qilinmadi? Shu sabab bo'lib boshqa shoxobchalar rahbarlari va xodimlari o'zlarini nazoratdan o'tkazib olsa yaxshi bo'lar edi.

Qurilish obyektlarida tez-tez o't chiqib turadi. Payvandlash uskunalarini ishlatish, elektr yo'lini sinovdan o'tkazish singari

Vaziyatni to'g'ri baholamay, ijtimoiy tarmoqlarda xulosa yozish oson. O'zimiz o't chiqmasligi uchun nima qilyapmiz, deyidiganlar bormi? Hamma ishni o't chiqqanidan keyin baholamay, yong'inning oldini olish uchun nimadir qilish ham jamiyat rivojiga hissa qo'shishdir.

holatlarda yanada ehtiyot bo'lish shart. Qurilish brigadasi boshliqlari, obyekt rahbarlari, xodimlari, albatta, yong'inning oldini olish qoidalarini bilishi lozim.

Sarosima — eng katta dushman. Har qanday holatda vaziyatni to'g'ri baholab, tezkor xulosa chiqarib, ildam harakat qilish yong'inni xulosa qildatda va oson o'chirish imkonini beradi. Yong'in haqidagi xabarlariga e'tibor qaratsak, o't o'chirish mashinalari 5-10 daqiqada kerakli manzilga yetib borgan va olovni qisqa muddatda qurshab olib, o'chirishga harakat qilayotganiga guvoh bo'lamiz. Bularning hammasi mamlakatimizda eng so'nggi rusumdagi o't o'chirish mashinalari, asbob-uskunalaridan foydalanilayotgani, o't o'chiruvchilar amaliy va nazariy o'qib, malaka oshirayotgani tufaylidir.



holatda ehtiyotkor bo'lish — eng muhim qoida. O't o'chiriladi, zarar o'rganiladi, qoplanadi. Ammo uy yoki tashkilot binosi oldingi holatiga kelguncha qancha asabuzarlik bo'ladi, xarajat qilindai va eng achinarlisi, odamlar jabr ko'radi.

O'zbekiston birinchilardan bo'lib telefon qurilmagisa favqulodda vaziyatlar bo'yicha xabar jo'natishni yo'lga qo'ydi. O'z-o'zidan bo'ladigan ish emas, buning uchun aloqa kompaniyalari bilan shartnoma tuzish zarur. Is gazi, sel xavfi, butulizm, yong'inning oldini olish bo'yicha kelgan xabarlarini kim o'qib, amal qiladi? Bunday xabarlar bitta insonning umri qalanib qolishiga xizmat qilsa ham mutasaddilar oldiga qo'ygan maqsadiga erishgan bo'ladi.

Sirena ovozi tun qa'riga singib ketdi. Uyuq qochdi. Shu bahona gaz va elektr jihozlarini qayta ko'zdan kechirdim. Siz ham shunday qiling, vatandosh. Barchamizni o't balosidan asrasin!

“Yangi O‘zbekiston” va “Правда Востока” gazetaları tahririyati DM

MUASSIS:
O‘zbekiston Respublikasi
Vazirlar Mahkamasi

Bosh muharrir:
Salim DONIYOROV

Tahririyatga kelgan qo'lyozmalar taqriz qilinmaydi va muallifga qaytarilmaydi.
Gazetaning yetkazib berilishi uchun obunani rasmiylashtirgan tashkilot javobgar.
Gazeta tahririyat kompyuter markazida sahifalandi.
Gazetaning poligrafik jihatdan sifatlı chop etilishiga “SHARQ” NMAK mas'ul.
Bosmaxona telefoni: (71) 233-11-07.

O‘zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligi tomonidan 2020-yil 13-yanvarda 1047-raqam bilan ro'yxatga olingan.
Nashr indeksi — 236. Buyurtma G-946.
34830 nusxada bosildi.

Hajmi — 3 taboq. Ofset usulida bosilgan. Qog'oz bichimi A2.
Bahosi kelishilgan narxda.

“SHARQ” nashriyot-matbaa aksiyadorlik kompaniyasi bosmaxonasida chop etildi.

Bosmaxona manzili: Toshkent shahri, Buyuk Turon ko'chasi, 41-uy.

Navbatchi muharrir: Boboravshan G'oziddinov
Musahhih: Malohat Mingboyeva
Dizayner: Zafar Ro'ziyev

Manzillimiz:
100060, Toshkent shahri,
Shahrisabz ko'chasi, 85-uy

O'za yakuni — 01:00